

四庫全書

集部

欽定四庫全書

宋元詩會卷三十六

兵部主事陳焯編

胡銓

字邦衡廬陵人建炎二年高宗策士淮海見其對策奇之將以冠多士為忌者改寘第五授撫州判官未上以護隆祐太后募鄉丁於贛州論賞轉承直郎用薦除樞密院編修會和議起上疏請斬秦檜除名編管昭州再貶新州將以謗訕怨望鍛鍊致死會檜死始量移衡州聽自便居住孝宗即位復奉議郎知旣州召對除吏部郎轉祕少擢起居郎兼侍講編修力請上都建康詔議行幸不果其

忠義之氣久而愈厲上雖疑之未能從也乾道七年以敷文閣直學士予祠進資政殿學士致仕卒有澹菴集一

百卷行世

潭石巖

此處山皆石他山盡不如固非從地出疑是補天餘下
陋一拳小高凌千仞虛竒章應未見名豈下中書

東陽春邑宰

縣古杉楓老人居水竹間化民無訟獄留客有江山路
遠旅愁積病多詩思慳多君情好篤不飲愧吾顏

登南恩望海臺

君恩寬逐客萬里聽歸來未上凌烟閣先登望海臺
山為翠浪湧湖拓碧天開目斷雲飛處終身愧老萊

和林和靖梅花詠

三首

風亭小立夢初殘步步凌空對廣寒照眼雙明清可掬
閒情一味澹相看曉縈瑞霧黏初潤晴映高雲薄未乾
三嗅臨風思無限藥宮遙夜酒初闌

當年曾見鳳城頭入骨貪看興未休小摘欲論千種恨

微吟先喚一番愁每嫌俗物熏心醉長願清芬滿世留
穠李倚風梨帶雨北方應合面驂羞

縞纈練袍照釵荆霜竹寒松秀色并八詠格高凌太白
千林地迴切西清著枝有味知深意歌屋無言似薄情
日暮水邊空悵望渾如湘浦見皇英

和李參政泰發送行韻

落網端從一念差崖州前定復何嗟萬山行盡逢黎母
雙井渾疑到若耶山鬼可人曾入夢相君談易更名家

此行所得誠多矣更願從公北泛槎

雷州和朱彥秀才時欲渡海

何人著眼覩征驂賴有新詩作指南
螺髻層層明晚照蜃樓隱隱倚晴嵐
仲連蹈海徒虛語魯叟乘桴亦謾談
爭似澹菴憑興往銀山千疊酒微酣

遊白龍洞

縣厓怪石俯潺潺神物知宜隱此間
窮勝不妨歸險洞尋春那止看羣山
攀龍行即天邊去躍馬聊同野外還



好景良辰適相會一樽欣共水雲間

和王民瞻送行詩 二首

巖耕名已震京關未信終身袖手閒萬卷不移顏氏樂
一生無愧伯夷班致君自許唐虞上待我誰能季孟間
宗社年來欠元老蒼生拭目看來還

士氣波流勢莫支逢時言行欲俱危不因湖外三年謫
安得江南一段奇匪我獨清緣世濁此心誰識只天知
萬牛回首須公起大厦將顛要力持

買愁村

北往常思聞喜縣南來怕入買愁村
區區萬里天涯路野草芳烟正斷魂

王庭珪

字民瞻安福人政和間進士官茶陵丞棄去築室
盧溪因以自號紹興中胡銓為樞密編修官乞斬
秦檜連貶新州庭珪以詩送之檜黨目為謗訕流
辰州檜死得自便之命孝宗召赴闕除直祕閣一
子扶掖上殿年已九十餘矣

舟次白沙

朝發螺浦湄暮宿白沙口初為夜行計有物應掣肘山
雲四面起風濤半江吼落帆危石磯就枕不敢久林深
鳴鸛鵲村遠聞鷄狗夢覺如月明破篷見斗牛起視天
色清解纜欲放溜浪頭聒天響掀簸入我牖蒲帆未及
張篙師復回首渡頭有古祠壁畫雜怪醜舟人相與言
勸我酬神酒出處本細事陰晴亦常有我固不問天豈
問土木偶

遊貢游洞

竄身楚西極幽奇頗窮歷況此古道傍橫天竦蒼壁何
年始開鑿工如鬼鏡刻飛空數百丈突出青鯨額那知
風雨時雲雷非窟宅事跡墮渺茫探討失圖籍豈無高
世士于此煉金液不能久徘徊上馬空歎息

題宣和御画

玉鎖宮扉三十六誰識連昌滿宮竹內苑寒梅欲放春
龍池水暖鴛鴦浴宣和殿後新雨晴兩鵲飛來東向鳴
當時妙手貌不成君王筆下春風生長安老人眼曾見

萬歲山頭翠華轉恨臣不及宣政初痛哭天涯觀画图

觀駱元直進江南形勢圖

異時漢網疎天討射雕馬齧江南草石頭重戍豈無兵
將軍未識丹陽道至今戰骨堆秋霜傷心不忍問耆老
龍蟠虎踞昔何雄赤壁濡須在眼中潯陽江水射蛟處
旌旗拂天來向東艤艫塞川不敢下昔人曾此破曹公
橫江九道波翻屋試請輕兵渡淮曲夜入長安人不知
應見画图心已熟他日將軍按此圖鼓行而西如破竹

和劉美中尚書聽寶月彈桃源春曉

何年鑿源開
混茫桃花兩岸吹紅香
烟消遠浦生微陽
漁舟誤行溪水長
溪回岸轉山隙光
疑有絳闕仙人房
居民爭出羅酒漿
花間笑語音琅琅
抱琴釋子眉髮蒼
響泉韻磬鳴長廊
能談往事悲孟嘗
昔時臺沼今耕桑
又如勇士赴敵場
坐令遊子思故鄉
清猿抱木號鴻荒
孤吟劃見丹鳳翔
曲終待月西南廂
重調十指初不忙
如見古画秦衣裳
春天百鳥爭頡頏
桃源歸來今已忘

彈到落花空斷腸

麗人行

讀大業
拾遺作

桃葉山前宮漏遲
宮人傍輦持花枝
君王喜憑絳仙立
殿腳爭画雙長眉
欲把琵琶彈出塞
結綺臨春時事改
井邊忽見張麗華
忍聽後庭歌一再

蚤行

羣雞鼓翼天欲光
井上梧桐生微涼
殘星爛爛或出沒
初日淡淡開青蒼
楚妃臺邊曉雲碧
伏波廟前秋草黃

騷人辛苦拾何物沅有芷兮今已香

和韻胡敦實少年行

酒酣坐待東方高臂鷹走逐城南豪彎弓射殺白額虎
醉騎歸馬雪花毛日暮黃雲動天色易水迷魂招不得
莫學并州遊俠兒徒費黃金飾韉勒

題劉端禮步芳橋

橋上画欄低壓水青龍影落芙蓉底欲渡芙蓉望翠微
波面紅雲映屐齒洛浦清流古有神羅襪凌波生暗塵

東昏戲作錦地茵金蓮襯步如花人而今此事墮渺莽
但有荷花開蕩漾試穿芒屨踏風烟安用紫絲連步障
送謝夢叟昆仲之湘江

蠟屐訪窮巷脂車戴曉星哦詩添些語望岳插青冥烽
火連蠻徼樓船壯洞庭瀟湘多夜雨羨爾對牀聽

送客

東門楊柳陌車騎散林垆草綠古今道馬嘶長短亭人
歸天北闕使動斗南星送客何年了春蘋又滿汀

春日遊鵲湖山

風起羣木末花開兩壁香山深雲影變人靜鳥聲長紺
殿橫崖起飛泉噴玉光扣門僧出定彈指下禪牀

送劉禹錫之官五羊

南海千山外東風幾驛催嶺頭梅雨歇旗尾瘴烟開蠻
徼無塵起中原有使來時應問消息會向日邊回

春日山行

緩鞚青絲馬不嘶春山草長靜柴扉迸林新筍斑斑出

隔水幽禽款款飛
雨過泉聲鳴嶺背
日長花氣撲人衣
雲藏遠岫茶烟起
知有僧居在翠微

題郭秀才釣亭

野濶江寒一雁飛
碧蘆花老鰕魚肥
遶欄綠水秋初淨
滿櫂白蘋人未歸
醉任狂風揭茅屋
卧聽殘雪打蓑衣
他年欲訪沙頭路
會自攜竿扣竹扉

送胡邦衡之新州貶所

二首

囊封初上九重關
是日清都虎豹閒
百辟動容觀奏牘

幾人回首愧朝班名高北斗星辰上身墮南州瘴海間
不待他年公議出漢廷行召賈生還

大厦元非一木支欲將獨力柱傾危癡兒不了公家事
男子要為天下奇當日姦諛皆膽落平生忠義只心知
端能飽喫新州飯在處江山足護持

再過東岡

物色江寒楓葉凋江邊微雨暮瀟瀟白沙翠竹舊行路
碧水朱欄新渡橋盡室當時避征戰十年間事付漁樵

如今傑屋明人眼一笑端能覆酒瓢

別葛德裕主簿

官冷身閒簿領稀時從物外赴襟期憑君少緩青絲鞚
為我聊傾碧玉卮野寺石泉秋煮茗松牕雪屋夜論詩
縣知別後東風近先寄寒梅第一枝

次韻楊廷秀求近詩

聞說學詩如學仙怪來詩思渺無邊自憐猶裹癡人骨
豈意妄得麻姑鞭勇似千軍初入陣清于三峽夜流泉

只今老鈍無新語
楓落吳江恐誤傳

王主簿清暑閣

襌襪趨程作熱官
何如避暑得清安
輕陰画出三湘境
爽氣能為六月寒
自有熏風生屋角
不須纖手捧冰盤
欄干半倚紅塵外
卧聽江聲瀉碧湍

江亭即事

江水磨銅鏡
面寒釣魚人在蓼花灣
雲開貪看初生月
不覺小舟流下灘

葉夢得

字少蘊吳縣人嗜學蚤成多識前言往行登紹聖四年進士由教授召為編修官用蔡京薦召對遷祠部郎累遷翰林學士會將以童貫宣撫陝西取青唐夢得見蔡京力諍之京有慚色未幾出知汝州尋予宮觀踰年起用拜學士戶部尚書與宰相朱勝非不合退歸湖州紹興初起知建康進安撫制置司練兵籌餉屢却敵兵加觀文殿大學士安撫福建復平海寇上章請老以崇信軍節度致仕卒

赴建康過京口呈劉季高

客路重經黃鵠前故人仍得暫留連長鎗大劍笑安用

白髮蒼顏空自憐
照野已驚橫雉堞
蔽江行見下樓船
灞陵醉尉無人識
謾對雲峰說去年

蔡子因相過留踰月

解作江山一月留
仲文儒雅更風流
欲知爵躍心能喜
正愛蟬連語不休
築室君方論並舍

子因約同居雪上

歸山我

已辦扁舟交親四海
今餘幾萬事傷心付白頭

徐敦濟書報嘗過余石林

繞澗新添數百竿
故人書為報平安
似聞謾謾山風響

正想陰陰夏簟寒老去不能窮蠹簡歸來便擬挂塵冠
一杯且覓林間約莫枉山王廢舊歡

東園作草堂新成

官舍如何有草堂野人熟處自難忘池開月映千山迥
檻靜風生六月涼幽徑也從穿別浦小舟還似過橫塘
深知幕府文書省盡付甘眠亦未妨

胡宏

字仁仲建寧崇安人文定公安國子也幼事楊時
侯仲良究所傳者父之學也優游衡山下二十餘

年玩心神明不舍晝夜張栻師事之紹興初上書以良心聳動高宗謂其顧慮畏懼忘父兄之困辱而北面寇讐蓋由良心之不察也高閑為國子司業請幸太學宏見其表作書責之謂閑欺天罔人阿諛柄臣求舉太平之典秦檜當國貽書宏兄寅問其二弟意欲用之宏致書詞甚厲人問之宏曰正恐其召故示以不可召之端檜死宏被召竟以疾辭卒於家著書曰知言張栻謂其言約義精道學之樞要制治之蓍龜也有五峯詩文集五卷皇王大紀八十卷

題上峰寺

百年身似客浩蕩世間遊入望青山好夢魂偏我留我
家巫山十二峯浮江直過巴陵東瀟湘水與蒼梧通環

遶衡嶽青冥中扁舟白雲不可度杖藜蠟屐乘春風山
光浮動可攬結雲舒霞卷飛烟虹深巖大壑翠巘巘足
力已到心無窮羣峰迤邐勢不競上盡祝融五千仞祝
融峰高天更高太空人世如牛毛風雲萬變一瞬息紅
塵奔走真徒勞

西林寺廓然堂有懷

超然峰頭秋風清廓然堂延秋月明我乘清秋弄明月
中有所感思冥冥峰勢凌蒼穹上有烟林封去天不盈

尺路斷心中
忡忡虛名過耳如松風

同伯氏還鄉

江村沙暖萋蒿長
味比枸杞新甘香
茁茁荻芽生近渚
紫花臺菜初未嘗
白羊烏狶俱在牧
茅舍竹籬真故鄉
人生未必須富貴
萬事且願身康強
徑買官場舊醅酒
共醉春風殊未央

桃源行

北歸已過沅湘渡
騎馬東風武陵路
山花無限不關心

惟愛桃花古來樹聞說桃花更有源居人共得仙家趣
之子漁舟安在哉我欲乘之望源去川源遠近蒸霞開
一片隨水從東來及晨徧覽三春色莫使風雨空莓苔

題法輪寺

春色初收夏氣清路分松檜入崢嶸深盤峭嶮千峰下
遠抱瀟湘一綫明大衆總迷身在處三關除却道方平
山林若是有情住何異紅塵爭利名

劉子翬

字彥冲贈太師幹之仲子以父任承務郎辟真定府幕屬幹死靖康之難子翬痛憤幾無以為生廬墓三年服除通判興化軍因毀瘠不堪吏責辭歸武夷山不出者十七年與籍溪胡憲白水劉勉之交相得每講學外無雜言所與遊皆知名士而期以任重致遠者惟新安朱熹一人也熹父松且死以熹託子翬佩其教成名儒焉

卒年四十七學者稱屏山先生

建康六感

吳

龍翔大耳兒虎視捉刀人風雲競追逐逸軌誰能遵
帝負英材沈潛歎求伸一呼定南國再戰威強鄰抗魏

既搖岳攘劉亦披鱗組練繞平隰
艤蔽通津偉哉人物盛成功豈無因
代祀已飄忽風流久彌新停撓眺迴
陸裂蔓登層闥卧龍昔來遊萬古懷清塵

晉

日昃無全照南遷事倉忙龍謠方協瑞
星禍已告亡凌遲百年運凜凜危莫將
向來問鼎人項背常相望環宮白羽列
面闕鳴弦張膺圖未躋泰卜世豈在長
獨憐短轅公推刃殺忠良百身嗟莫贖
一慟鬢成蒼時移事亦

更為宋復為梁惟有采石潮年年到前岡

宋

寄奴真偉人落拓龍潛地據筵呼五木已有吞世氣世
期值陽九天綱日淪替偏邦或跨州卑號猶稱帝匪乘
艱棘運英姿疇能濟南戡莫番禺西狩澄涇渭功雖與
世隆道亦同人廢緬懷揖讓風黃屋身如寄顏波日奔
迫夜壑遷神器巢由獨賢哉高蹤邈難繼

齊

堯宮不剪茨禹室無崇壤巍巍天步隆萬代猶可仰荒
哉二三君經營務華敞落柿滿清江飛斤殷遙響疏淵
引瀾澳築圃遷林莽筋力斃民軀貲財傾國帑雄心獨
未倦矯首生遐想時徂陵谷變無事猶悲曩殷憂易興
懷逸樂難終享過客問青樓荒畦棘花長

梁

開圖屬英睿失國由昏悞斯人異前修撥亂旋致亂輕
刑下益肆厚爵臣彌叛聰明馳萬幾精苦徒宵旰鳳冕

敬方袍鷺旗游彼岸悠然棄從懷臨機復難斷那知千
佛力不紓一寇難酒色覆商周神仙蕩秦漢趨亡固多
軌荒迷卒同貫微聖常鮮終撫卹三慨歎

陳

悲風嘯荒垣歌斷庭花曲壁月夜沈輝瓊樹春銷馥郊
圻遊從盛想像猶經目麗景明新妝清波映鮮服承恩
屬令姿被選皆華族朝從結綺遊暮向臨春宿意高時
忽謝步遠塗方促榮華事不長哀樂情難足悠悠六朝

事轉盼風驚燭永懷興亡端斯文慚麗縟

夜飲

良宵樂未央促席團欒坐佳人意慙懃倡歌屬余和幽
期貴濶畧醉語多叢胜沈沈玉卮酒量淺難負荷豈不
懷極懼恐重賓友過褰帷望明河山月銜半破回軒互
追奔繖拂簷瓦墮

種菜

傍舍植柔蔬攜鋤理荒穢桔槔勤俯仰一雨功百倍朝

來綠映土新葉搖肺肺牛羊勿踐畦肉食屠爾輩

下灘作

青山鎖連環白澗走鳴瀨迷津毫髮間舟與危石會回
淵聚浮沫斷壁餘澎湃玩奇心若驚覽鏡目不逮悠然
一回首孤驛已茫昧停橈念經歷履地猶旋憤悲風嘯
枯林暮野雲相蓋隔船聞和歌沽酒慰疲怠

棄竹夫人

愛憎情易遷感物思鬱紆念昔未棄捐常侍君子居煩

襟一披豁雅抱何清虛蹉跎怨時暮涼德竟見踈飛霜
皓中庭枵然委牆隅的皪珠幃深熒煌錦茵鋪豈不懷
舊恩君心已非初當年紈扇謠抱恨同區區

宿省軒

夜空合一寂擾擾息萬勞幽懷耿不寐孤燈側殘膏稍
知山雨來聲在橫林高淒然卻成夢夢泛秋江濤

遊龍潭

四客同笑言一僧陪杖屨徜徉山水窟適意忘晨暮踈

鐘巖北寺細竹溪南路中流石參錯不礙潺湲潏澄
小龍潭潤氣金碧聚時驚木葉墜俯見儵鱗度斯遊非
預期偶爾造佳處幼輿丘壑情陶令琴觴趣淹留慰所
願惟以賓友故夕陽淡寒山遲回不能去

不忍行 二首

草邊飛騎如烟滅拉獸摧斑食其血此時疾首念鑿輿
玉體能勝饑渴無危城眉顰驚雲擾蓋蓋無光天座杳
奮戈儻未雪深誓我食雖甘何忍飽

黃河鑿鑿永成路人語寒空氣成霧此時泣血念鑿與
玉體能勝凜冽無蒼黃天步蒙塵去畫袞飄零傷歲暮
飛書倘未伐姦謀我服雖華何忍御

望京謠

雙鑾北狩淹歸轂寂寞梁園春草綠猶傳故老守孤城
官軍不到黃河曲連雲樓櫓已灰燼更倚牕扉防箭鏃
招兵大半出羣盜繡襦蒙衣屢翻覆前宗後社力誅鋤
白刃如霜挂人肉州橋燈火夜無光夾道狐狸晝相逐

往時汴泗絕行舟市糶十千塵滿斛衣冠避地多在南
宛馬却食江南粟謀臣武士力俱困海角飄搖轉黃屋
盤庚五遷方擇利昆陽一戰何當卜夕烽明處望千門
孤臣祇欲吞聲哭

兼道攜古墨來墨面龍紋墨背識云保泰九年奉
勅造長春殿供御龍印香煤旁又識云墨務官
臣庭圭監官臣夷中臣子和臣卞等進蓋江南
李氏物也感之為作此詩

長春殿古生荆薈猶有前朝遺物在錦囊珍重出玄圭
雙虬刻作蜿蜒態枯皮剥裂弄幾利斷玦精堅磨不殺
吾聞李氏據江左文采風流高一代當時好玩不獨此
器用往往窮奢汰徵工選技填御府不惜千金為賞賚
治兵唐推英衛精治民漢許龔黃最惜哉取士不知術
妙手獨得庭珪輩真主驅馳八極中荒王逸樂孤城內
汗青得失更誰論尤物競為人寶愛嗟余視此真龔土
事有至微猶足戒投文欲往弔江流幽魂未泯應慚悔

劉兼道獵

劉侯好獵親馳逐指呼雙犬如奴僕
朝衝唐石亂雲來暮聽潭溪流水宿
何如著鞭走大梁我亦與子同翱翔
今年獵內醢彭越明年獵外羝德光

次韻蔡學士梅詩

梅梢破白香清切清雨含春不成雪
瑤池髣髴萬妃遊縞裊練帨何鮮潔
凌晨燦爛忽驚眼客中又過嘉平月
年年見梅非昔地海角尋芳更愁絕
多情欲伴曉雲飛

有恨只教啼鳥說兵廚況是酒如澠東閣喜聽談吐屑
飄零使我歡意盡山城暮角聲嗚咽庭邊一樹春最晚
照影遙憐水方折暫忙不到今幾時南北枝頭開又歇
新辭婉媚發春妍未害廣平心似鐵

荔子歌

炎精孕秀多靈植荔子佳名聞自昔絳囊剖雪出瑇盤
尋常百果無顏色閩天六月雨初晴星火熒煌曜川澤
欸如彩鳳戲翱翔爛若彤雲堆翕赫我聞二和全盛時

貢輸不減開元日繡衣中使動輜車黃紙封林遍阡陌
浮航走轍空四郡妙品人間無復得似聞供御只纖毫
往往盡入公侯宅驪山廢苑狐兔靜艮嶽新宮鞀鼓急
繁華今古共淒涼遶樹行吟悲野客

法石見李漢老叅政

我識今朝李翰林十年隔絕飛寸心素書每逢雙鯉得
雲路欲倚長梯尋翰林昔叅建炎政想見中興人物盛
方圓齟齬不足論角巾雅有江湖興玉堂草詔褫兇魄

丹陛陳謨發天聽介圭便合趣公還只今密勿才稀並
自憐隨牒東南奔假道因得登龍門怪余髯面益老矣
一笑問勞情彌敦僧坊蕭蕭遠闌闌豈料飄零獲清對
此行尚憶王相宅曩日交游幾人在濁酒青燈夢寐間
九州四海烟塵內區區王事今有程暫見復別難為情
長亭喚馬一悽斷壁月曉墮桐花城

夢仙謠

并引

劉致明夢與七客游仙胡原仲與焉其事甚異致明

清修純實非夸誕人也因為作謠以記之他時二人
凌太虛誦此謠當懷所謂病翁者耶

鵝子峰前波色清劉郎看山無俗情癯儒自昔有仙骨
夜夢體飛如葉輕雲中不識朝天路雙童導我凌空去
側身度巖隈盤盤復回回翛然意往形不礙石窟蘚竇
俄天開乘槎夜泛牛女渡鞭鸞曉入金銀臺花深不逢
人時聞佩環聲仙翁睡起方結襪見客坦易無崖垠擊
蒙冀垂矜叩妙獲一言駐紅却白非難事貪生慮死真

愚計當時同遊七姓俱但記古月成胡宇塵緣未斷不
得留海風吹過蓬瀛洲覺來牕戶冥矇曉玉鏡晶晶墮
松杪

清江行

漁翁一櫂老清波稚子學語能漁歌日暮沙頭寒蕪竹
雨餘船角亂堆蓑鬻殘小鮮仍自鱸湖海茫茫醉鄉內
夜闌酒渴漱寒流月照蘆花上篷背

井泉

石井水濺濺寒莎映碧鮮
雨聲添溜急天影入波圓
曉汲連山寺春耕潤野田
杖藜三嚙罷毛髮更蕭然

巖桂

涼颼振遠村寂寞度清芬
山路不知處月牕時夜聞
孤根寒抱石落子半飄雲
袖手空延佇無才可賦君

策杖

策杖農家去蕭條絕四鄰
空田依壠峻斷縈布窠勻
地薄惟供稅年豐尚苦貧
平生飽官粟愧爾力耕人

泊舟

莽莽荒茨岸
回回亂石灘
雨寒收市蚤
風急泊舟難
寓縣兵猶鬪
乾坤網正寬
慙慙囑龍劍
莫久卧波瀾

途中

小市猶依海
橫橋欲跨汀
雨餘榕徑冷
春晚芡田青
薄宦低豪氣
浮生惜壯齡
急流歸亦好
憂患飽曾經

與原仲至交溪橋

倦憇春橋午
回環翠碧重
亂溪流背海
新柳色欺松
厭

市常思野為官不及農
喜逢湖上客談話得從容

寄蜀

有客傳歸信愁懷得暫寬
兒童占鵲喜鄰里借書看
離蜀秋方半浮湘歲欲闌
柴門頻灑掃夢想見征鞍

野墅

野墅驚秋晚殘年忽忽過
海潮通井淺林日到牕多
酒盡鄰翁餉詩成稚子哦
人生行樂耳軒冕奈余何

晚飲

招提聊駐屐却去白雲堆老眼看山倦餘懷向酒開晚
涼微雨送秋意一蟬催醉裏揮犀妙方知有逸才

道中

微風收宿靄細路遶平皋石亂春溪急山寒曉月高鳥
聲時出樹花氣欲侵袍行役兼清賞驅馳未覺勞

次長河壁間韻

竄鼠驚殘夢蕭蕭老屋虛風聲傳遠瀨寒意入秋蔬客
路漂搖久歸身憔悴餘西牕滿殘照髣髴似吾廬

過鄴中

逐鹿營營一夢驚，事隨流水去無聲。
黃沙日傍荒臺落，綠樹人穿廢苑行。
遺恨分香憐晚節，勝遊飛蓋尚高情。
我來不暇論興廢，一點西山入眼明。

酴醾

顛風急雨退花晨，翠葉銀苞照眼新。
高架攀緣雖得地，長條盤屈總由人。
橫釵數朶開猶小，撲酒餘香韻絕倫。
唯有金沙顏色好，年年相伴殿殘春。

送原仲之荆南

風急塵埃滿漢關
送君行處路漫漫
不知爭戰幾時定
常恐別離相見難
三逕舊游松竹老
五湖新隱水雲寬
交朋日覺知音少
綠綺從今莫浪彈

原仲溫其彥藻彥符致明集敝廬

清樽勸客且留連
亂後相從亦偶然
三徑生涯鄉社裏
一秋心事菊花前
向來憂喜皆陳迹
老去光陰逐斷弦
懷抱故人今有幾
只因情話可忘年

宿雲際偶題

穀雨都無十日閒，落紅棲草已斑斑。
曉烟未放屋頭樹，春漲欲浮天際山。
翠蓋縈風沈遠坂，漁舟驚浪落前灣。
鐘聲認得林邊寺，歲歲籃輿獨往還。

秋意

又見庭梧一葉飛，物華心事兩差池。
百年未半老相逼，四序平分秋獨悲。
過岸山川雲漠漠，殘燈院落雨絲絲。
客懷料理須杯酒，哭向窮途定是癡。

屏跡

屏跡山樊避世喧
晚風落日靜柴門
寒泉遶竹通幽圃
小徑穿田入別村
散策微吟霜葉脫
鉤簾宴坐碧雲翻
閒中興味知何晚
絕口名途不更言

次韻溫其元日詩

曉來飛雨挾風顛
洗出韶容換故年
花動一紅明星角
山涵亂碧到樽前
病如夜鶴孤還警
老似春蠶飽即眠
賴有故人開寂寞
錦囊詩句許時傳

山寺見牡丹

倦遊曾向洛陽城，幾見芳菲照眼新。
載酒屢穿卿相圃，傍花時值綺羅人。
十年客路驚華髮，回首中原隔戰塵。
今日尋芳意蕭索，山房數朶弄殘春。

蚤行

村雞已報晨曉月，漸無色。行人馬上去，殘燈照空驛。

清湖驟雨

快雨不相期，平湖忽蕭颯。坐久日明簷，繁聲靜中滅。

汴京紀事

十首

內苑珍林蔚絳霄圍城不復禁芻蕘舳艫歲歲街清汴
纔足都人幾炬燒

空嗟覆鼎誤前朝骨朽人間罵未銷夜月池臺王傅宅
春風楊柳太師橋

神霄宮殿五雲間羽服黃冠綴曉班詔許羣臣親受籙
步虛聲裏認龍顏

宮娃控馬紫茸袍笑撫金丸彈翠毛鳳輦北遊今未返

蓬蓬艮嶽內中高

篤蓐清香步障遮並桃冠子玉簪斜一時風物堪魂斷
機女猶挑韻字紗

雲芝九幹麥雙岐合有嘉生瑞聖時玉殿稱觴聞好語
時教張補撰宮詞

橋上遊人度鏡光五花殿裏奏笙簧日曛未放龍舟泊
中使傳宣趣鄆王

巨石曾聞受國封承恩不與幸臣同時危運作高城礮

猶解捐軀立戰功

蒼黃禁陌夜飛戈南去人稀北去多自古黃沙埋皓齒
不堪重唱蓬蓬歌

輦轂繁華事可傷師師岳老過湖湘
縷衣檀板無顏色
一曲當時動帝王

景陽鐘 二首

景陽鐘動曉寒清度柳穿花隱隱聲
三十六宮梳洗罷
却吹殘燭待天明

一鉤殘月淡觚稜
遙望林梢曉色升
寂寞小簾風露冷
玉盆脂水已生冰

朱 棹

字逢年韋齋弟也有詩曰玉瀾
堂集梁溪尤袤為序極稱之

三山次潘靜之升書記韻

客路那知歲月長
掀眉一笑蕊蕩房
且傾徐邈聖賢酒
不問陳登上下牀
雲影翻空迷海嶠
秋聲隨夢到江鄉
明朝各聽船牕雨
猶憶枯棊戰四郎

老兵種菊以詩謝之

蔬畦雨徑策勲時徒種鄰牆菊兩枝
九日無人過朱放
十分舉酒酌王尼
花栽栗玉秋風健
香近龍涎曉夢知
負口不應還負眼
長鑱煩爾鎮相隨

九日與客語慨然有廬山之興

九日黃花笑白頭
分將牢落付荒丘
半川暝色聊償夢
別嶺秋聲旋寄愁
江國經年多浪語
匡廬入手是真休
未能免俗須登陟
睨視元龍百尺樓

寓居南軒

雲氣披猖月意孤
冬青倒影上庭隅
燈橫老薺蛾方去
書掩新芸蠹已無
一世盡知關魯酒
十年不擬歎齊竽
支頤坐覺疎星沒
獨扣龍頭瀉酪奴

僕自以四月十四日自延平歸所寓之南軒積雨
陰濕體中不佳二十五日夜夢至一處流水被
道色清絕若有欄檻而無屋宇有筆硯皆浸水
中予驚問何地旁有應者曰此玉瀾堂也夢中

欲取水中筆硯作詩詩未成而覺意緒蕭爽殆
不類人世難已一再鳴矣因賦此

蘧蘧飛夢過雲鄉物色清輝眼界長閭闔未招金馬士
蓬萊先立玉瀾堂千尋濯足衣裘冷六字哦詩筆硯香
當與瑤池作同社紅巾青鳥兩相忘

六月二十日

次日
立秋

天涯明日見秋風錯莫誰驚碧樹空豈意楚山招隱處
盡歸蜀客廣騷中釣魚聊爾針方直乞米茫然帖自工

獨卧南軒聽南澗
蠻花猶作杜鵑紅

馮時行


字當可蜀巴縣人宋南渡初官奉禮郎力抗和議
至引漢高分羹之事上曰此言朕不忍聞忤秦檜
罷歸所著
有縉雲集

縉雲山

借問禪林景若何
半天樓殿冠嵯峨
莫言暑氣此中少
自是清風高處多
岌岌九峰晴有霧
瀰瀰一水遠無波
我來游覽便歸去
不必吟成證道歌

寶華寺

宿雨初收草木濃
羣鴉飛去法堂空
長廊無事僧歸晚
盡日門前只看松



宋元詩會卷三十六

欽定四庫全書

集部

宋元詩會卷三十八

詳校官中書臣陸 湘

主事銜臣徐以坤覆勘

總校官知縣臣繆 琪

校對官中書臣牛稔文

謄錄監生臣畢 桂

欽定四庫全書

宋元詩會卷三十七

兵部主事陳焯編

呂本中

字居仁宰相公著之曾孫幼敏悟公著奇愛之少
從楊時游酢尹惇遊三家或有疑異未嘗苟同用
陰授承務郎紹興六年召赴行在特賜進士出身
擢中舍請罷官吏犯賊黥面之刑從之又奏九江
鄂渚諸路當宿重兵戡亂宜圖密策不當播虛聲
於鄰境使得預防未幾引疾去召權直學士院初
本中與秦檜為同舍相得甚歡檜既相私有引
之意本中力謝之會趙鼎遷僕射本中草制有曰

合晉楚之成不若尊王而賤霸散牛李之黨未如
明是以去非檜大怒諷御史蕭振劾罷之提舉太
平觀卒謚文清
有詩集二十卷

出門見明月

出門見明月入門思故人故人如此月一見一回新
明月相見多故人相見少問爾何因緣長似此月好
故人在何處南北東西路明月在咫尺夜夜庭前樹

海陵書懷

萬事不如意自然生白鬚極知少餘韻何敢厭窮途
土

俗尊魚婢生涯欠木奴東行見李白誰為致區區

海陵雜興

紛紛五代亂離偏一旦雲開復見天草木百年新雨露
車書萬里舊山川尋常巷陌猶簪紱取次園林亦管絃
人老太平春未老鶯花無恙日高眠

秋後竹夫人

與君宿昔尚同牀正坐西風一夜涼便學短檠牆角棄
不如團扇篋中藏人情易變仍如此世事多虞祇自傷

却笑班姬與陳后一生辛苦望專房

探花

謾遣兒童掃雪開却穿籬落看春回溪山冷淡泥三尺
故舊飄零酒一杯止買芒屨供踏雪更攜藜杖去尋梅
玉川縱老生涯在時有鄰僧送米來

柳州開元寺夏雨

風雨條條似晚秋鴉歸門掩伴僧幽雲深不見千巖秀
水漲初聞萬壑流鐘喚夢回空悵望人傳書至竟沈浮

虎頭燕頤非吾相莫羨班超拜列侯

張禕秀才乞詩

白蓮菴中張居士夢斷世間風馬牛塵埃表物自無意
神僊中人聊與遊澄江似趁北城眺苦雨不放南山秋
君當先行我繼往句吳東亭泊小舟

孟明田舍

未嫌衰病出無車尚喜冬來食有魚往事高低孤枕夢
故人南北數行書茅茨獨倚風霜下稷稻微收雁鷺餘

欲識淵明只公是邇來吾亦愛吾廬

宿州初暑

暑氣侵人始欲愁
簟瓢窮巷不堪憂
亂蟬泊雨林塘靜
密徑吹花草樹幽
春盡茆檐深著燕
日高田水故飛鷗
莫欺湫隘無餘地
待借元龍百尺樓

無題

荒裔安知鼎重輕
禍胎元是起公卿
襄陽耆舊惟龐老
受禪碑中無姓名

黃公度

字師憲莆田人紹興間進士由簽書判官除祕省
正字與趙鼎素善小人希秦檜意論罷之再貶南
恩檜死召還官尚書
吏部員外郎以疾卒

秋旱熱甚尤苦登陟輿中戲成

少皞不用事八月猶苦熱南方本炎蒸况乃甘澤闕雨
師弛厥職旱魃逞餘孽金石鑠欲流汙池龜甲裂稼穡
亦已休田家生理絕強欲築場圃漸聞罌竭租斂數
有恒不為愆陽輟州縣急鉗銖鞭箠動流血吁嗟號帝

閣此語何由徹空村巫覡舞靈祠香火謁水旱制于天
祈禱恐虛設嘗聞桑林禱爪犧亦清潔萬國幾為魚堯
德豈其劣但令備先具難必沴氣滅江淮十萬兵仰口
資餽輟太倉無宿儲有司憂百結腐儒從薄宦籃輿走
巖嶽王事有嚴程亭午不得歇林鳥呀無聲僕夫屢告
暍焉得變玄冬陰厓踏層雪

還家

黎明呼羸童拄策渡野水輕嵐翳初日古道步平砥麥

隴黃四出松竹翠相倚人間春告盡巖色秀未已眼入
故鄉明語還親舊喜印非朱買臣金無蘇季子竊笑免
妻孥相過動鄰里富貴豈吾謀薄遊聊爾耳

謝傅叅議彥濟

雱

惠筍用山谷韻

北方九月霜賓盤無生菜嶺南信地暖窮冬竹萌賣君
念庾郎貧繭栗供庖宰中有歲寒姿貞時久不壞前身
渭川侯千畝償宿債珍可配天花賤不數石芥早薤與
晚菘奴僕望賓介文園酒渴餘想不厭姑嘬預恐吹作

竹明日東風噫急須驅兒童傾筐攜采采

癸亥秋行縣夜寓下生院倦甚慨然有歸歎之想

用韻題壁

何須輪擁朱不願佩縣玉青山得去且歸去謀生待足
何時足林間招提金碧開門外過客誰能來桂花落盡
無人問古牆秋逕生青苔舊山泉石故應好菟裘不營
亦可老此身已與三徑期未分淵明迹如掃

惜別行送林梅卿

大雅

赴闕

刺桐城邊桐葉飛
刺桐城外行人稀
客來別我有所適
問客此去何當歸
林卿妙齡才秀發
胸中萬卷涵溟渤
家聲合沓蓋九州
里第嶙峋表雙闕
謁來試吏天南方
驥繫焉能騁所長
梅僊脫身東市卒
杜老把筆中書堂
傳道淮濡減豺虎
政須禮樂事明主
之子軒軒霄漢姿
好向春風刷毛羽

輿村晚望

山逐寒雲斷天隨暮靄低
稻畦迷上下樵徑自東西
故

國存書劍他鄉咽鼓輦涓埃期補報未敢卜幽棲

庚申元日

繭足度殘臘回頭又一年文書疎病眼事業付高眠
盥櫛從朝懶衾裯覺夜便南鄰競春色車馬日喧闐

久不得浙耗

獨酌澆愁酒慵翻信手書折腰行俗吏投足且吾廬
歲月鶯聲老江湖鴈影疎依樓五侯第旅食近何如

苦熱

玉井晨不冷茅簷午欲焚月搖看畫簾榴吐認紅裙迴
野都如火竒峰空自雲衣巾負芒刺曝背有人耘

倚薄

茅簷供倚薄藜杖任扶攜天入平蕪濶山含宿靄低樹
聲風曲折野色晚淒迷容易營生事秋田稻欲齊

閒居

一水遠能白羣山陰更青靜憐風細細閒任雨冥冥春
色供多病時情畏獨醒平生憂國意客至問朝廷

三月晦日郊外即事

雨積稻畦白晴添麥壠黃
野橋排鴈齒山路轉羊腸
鳥語有時好田家隨事忙
一年春盡日身迹更他鄉

晚泊桃源驛奉懷幕府諸公

下馬泊孤亭人煙接古城
半村留晚照萬壑送秋聲
風月思玄度文章愧長卿
桃源何處在山驛至今名

冬日道間

歲熟牛羊飽村寒鳥雀呼
霜餘山骨露水落澗毛枯
歸

艇收漁網行人問酒壚微軀任南北未覺旅懷孤

壬戌中秋沿檄行縣與龔實之同宿琴泉軒

搖落江城暮招提訪舊遊泉聲終夜雨竹影一絃秋露
湛衣裳冷山空枕簟幽故人憐寂寞抱被肯相投

西園

意得壺觴外心清杖履間簿書休吏早花鳥向人閒舊
隱在何許倦遊殊未還天涯賴有此退食一開顏

正月晦日寄宋永兄

萬事縈心空歲月一分春色已塵埃簷間雨脚何時斷
陌上遨頭幾日來寒束幽花如有待風延啼鳥苦相催
明年此會各南北趁取官閒共酒杯

悲秋

萬里西風入晚扉高齋悵望獨移時迢迢別浦帆雙去
漠漠平蕪天四垂雨意欲晴山鳥樂寒聲初到井梧知
丈夫感慨關時事不學楚人兒女悲

陳晉江以壬戌四月上澣宴同僚于二公亭

百年遺址俯郊垌十里蒼波帶古亭
隔岼樓臺春去遠兩朝煙雨酒微醒
苔碑缺落庭松老野鳥去來汀草青
風物不殊天竺路扁舟髣髴舊曾經

道間即事

花枝已盡鶯將老桑葉漸稀蠶欲眠
半濕半晴梅雨道乍寒乍暖麥秋天
村墟沽酒誰能擇郵壁題詩盡偶然
方寸怡怡無一事麤裘糲食地行僊

題白沙鋪

金華先生集卷三十七
負郭可無三頃秫，蓋頭幸有兩間茅。還鄉且盡田家樂，舉世誰非市道交。村酒一杯澆磊塊，山程數驛更磽嶇。羸驂莫怪歸鞭急，心在輕紅荔子梢。

唱和盈軸而燕集未期小詩請廣文兄為遨頭

煩君管領東君手，收拾風光尊俎中。與作遨頭共春燕，何須擁鼻學秋蟲。誰憐老子興不淺，自笑窮人詩轉工。趁取身閒酒價賤，明年此日又西東。

贈泉守趙表之令衿

扁舟昔艤浙江邊，曾醉王孫玳瑁筵。
竹杖芒鞋晚城上，金荷銀燭夜堂前。
宦遊我輩聊復爾，聚散人間亦偶然。
誰料天涯今八載，青燈相對各華顛。

春日宴共樂臺

畫拱朱甍插紫清，連山帶水自紆纒。
閭閻高下魚鱗比，田畝縱橫碁局平。
花發鳥啼春耐事，夜闌客散月多情。
寸陰自古千金重，一笑人間萬慮輕。

秋城晚望

斷續悲笳起麗譙冥冥晚色四山椒隔江人散瘧分米
十里津喧蜚趁朝夕照含山光黯淡西風動地鬢飄蕭
低頭自笑微官縛東望滄溟歸路遙

秋夜獨酌

溪山態足身無事天地功深歲有秋投老相從管城子
平生得意醉鄉侯捲簾清坐月排闥橫笛誰家風滿樓
可是離人更遺物自緣身世兩無求

張九成

字子韶其先開封人徙居錢塘從楊時學有權貴
用重幣招致門下且許薦之館閣九成大笑拒之
紹興二年策進士擢置首選楊時遺以書曰廷對
乃中興來僅見之策非負氣剛大不能為也授鎮
東軍簽判與提刑張宗臣爭釋無辜不合即投檄
歸從學者日衆用趙鼎薦起著作侍郎時和議起九
成謂趙鼎曰敵實厭兵而張虛聲以撼我當約以
十事彼能從吾則與之和庶幾可也鼎既罷九成
在經筵力申前說秦檜惡之謫守邵州中丞何鑄
劾秦落職檜怒未已復喉司諫詹大方論其與徑
山僧宗杲謗訕朝政謫居南安軍檜死起知温州
未幾丐祠卒寶慶初特贈太師追封崇國公謚文
忠

首春出城

春風驅我出騎馬到江頭出門日已暮獨行無獻酬江
山多景物春色滿汀洲隔岼花繞屋斜陽明成樓人家
漸成聚炊煙天際浮日落霧亦起羣山定在不江柳故
撩人紫帽不肯休隨行亦有酒無地可遲留聊寫我心
耳長歌思悠悠

出城望隔江茅舍

茅屋臨江上四面惟柴荆綠陰繞籬籬落窗几一以明門
前灘水急日與白鷗盟不知何隱士居此復何營朝來

四山碧晚際沙鳥鳴碁聲度竹靜江深琴調清終攜一樽酒造門相對傾心期義皇上安用知姓名

九月七夜喜新涼

晚來天宇陰便有如許涼衣襟不作苦燈火耿寒光青編如故人入眼興未央憶昔炎歊日蒸鬱如揚湯百事懶不支何暇攷短長念此深自喜拂窗淨琴張老來縱眊昏閉目自焚香心清神亦旺聖賢儼在旁此意勿輕語此景吾弗忘

十一月忽見雪片居此七年未嘗有也

寒色遽如許神清瘦不禁瓦溝聲磔索珠琲亂衣襟斯
須忽復變玉屑墮前林風勁勢回旋飄飄蔽遙岑落此
炎瘴地七年到于今不見六花飛况聞寒玉音今年盈
尺瑞天以慰吾心呼兒具杯盤開樽須滿斟更製白雪
辭入我綠綺琴

課書

橫浦非吾土久寓亦何聊不學竹林友把酒持蟹螯饑

寒聊用遣惟以文字消方其得意處捫如亦逍遙頓忘
物我情天地本寬饒告爾二三子我歌汝其謠

擬古 六首

平生澹無營生計亦草草吾廬儘有餘懶問長安道楚
澤驚屈平書空咤殷浩願君且休矣沈憂令人老

余生本無用頽然落澗阿饑食山頂薇寒編松上蘿豈
敢怨明時貧賤固其宜原憲樂窮巷屈平愁深陂度量
何相越道在胡速遲屈子則已矣原子有餘輝

願隨春陽和不隨秋草萎
光陰瞬息耳憂悲亦何為
蘭蕙生深林時有朝露滋
清香隨春風邈若有所思
我亦慕明德杖藜往從之
林深不可見相遇終有時

蕭騷老蠶婦窈窕深閨女
曳羅裳老婦勤機杼夜
深燈火微那復淒寒雨
辛勤貢王宮棄擲乃如許
一縷不著身含愁誰敢語

促裝何喧喧西笑都門道
出門何所見王孫媚春草
綠鬢仍朱顏未信人間老
去去請勿遲功名苦不早

少小有高志思與古人親二十學文史三十窮典墳坐
觀世間事抱火厝積薪此心雖炯然不敢以告人君門
深九重欲陳諒何因

嘉祐寺

曳屣出南郭招提在高岡誰言林樾中乃有此寶坊甘
泉溢中庭修桂蔭層廊三秋此花開清香駐高堂試問
紅塵中那得六月涼門外江聲濶堂中松韻長古殿儼
像設佛燈龕夜光不見堂中人斗覺心悲傷人生本無

定樂處是吾鄉吟餘復何事月落山蒼蒼

食苦筍

吾鄉苦筍佳出處惟石屋玉肌膩新酥黃衣緣深綠林
深恐人知頭角互出縮煙雨養春姿此物未成熟三月
臘酒香開樽媚幽獨烹庖入盤俎點醬真味足未須五
鼎牛聊稱一囊粟竭來庾嶺下歲月去何速經冬又七
春未分窮途哭今朝好事者惠我生一束頭髭甲爛斑
味惡韻麤俗兒童不慣嘗噦噦驚媼僕老妻念鄉味放

箸淚盈目丈夫志有在何事較口腹呼奴更傾酒一笑
風生谷

有客

春雨止復作閉門無與居童奴告予言有客叩吾廬束
帶出見之頽然一丈夫手攜一尊酒辭氣何宴如為言
久聞名曾未瞻簪裾天寒宜飲酒一杯聊以娛盤餐亦
草草蔬果間溪魚顏色溫勝玉言談貫如珠豈期有道
者而來警我愚酒酣意兩適心閒樂有餘四海元有人

君勿輕荒區

課書

汲汲我何事愛此窗日光北門終日開風透軒檻涼貧
病何以療六經真古方榮辱頓爾失泰山亦毫芒呼兒
來讀書絃誦驚滿堂仕途有捷徑掩口笑我狂

辛未閏四月即事

窮居不擇交賢否那復辨似人輒已喜况復曾半面相
見且寒溫不問風雨變晚來無與遊澄江喜如練攜節

信步行屈曲隨山轉數日雨不止衝波頽激箭舊雨已
不來今雨誰復見甕頭香滿屋吾計今已辦豈復思故
鄉無事且彊飯

過報恩寺

籃輿訪蕭寺煙暝漲春空遠樹樓頭綠殘霞山外紅昏
鐘發林杪人語殷橋東回首都無迹浮生真夢中

城門晚景

雨漲春江浪沄沄日夜奔羣山落雲裏萬壑吼巖根沙

際人呼渡煙中牧入村蕭然何處士終日掩柴門

晚春即事二首

春來尋勝事此興亦何窮夜雨亂江淥朝花退日紅雷聲驚嶺北雲氣漲溪東蓑笠衝泥去誰知與我同

幽事晚山色幽齋春雨餘亂紅歛澗水浮綠漲郊墟北牖迸新筍西園生野蔬槿籬遶茅屋已分老樵漁

遊南路菩提寺次刁文叔韻

高僧居物外有戶晝常扃海近知天濶泉甘識地靈一

簾春月靜數點列山青便卜歸歟計移文漫勒銘

陳淵

字知默南劍州沙縣人紹興五年廖剛胡寅等上言淵乃瓘之諸孫有文學可用李綱為江南西路安撫使辟為制置司機宜文字七年用胡安國薦召對改官賜進士出身除監察御史遷右正言上嘗與淵論程頤王安石之學併贊楊時能宗孔孟淵對曰楊時始宗安石後得程顥師之乃悟其非蓋安石不止經義穿鑿其於道之大原無一不差如論語主仁愛人特仁之一端而安石遂以愛為仁中庸主誠豈分人我安石則謂中庸所以接人高明所以處己孟子七篇專發明性善安石取揚雄善惡混之言主於無善無惡其失性遠矣會鄭億年復官侍從淵言億年雖故相居中之子實有

從賊之醜乞寢其職名億年秦檜親黨也檜怒嗾
何鑄論涓落職主管台州崇道觀卒有默堂集若
干行世宋史載
淵為楊時壻

延平江上呈吳國華先生

青山如偉人可望不可致屹然瞰洪流龍翔并虎視春
風何時來草木舞深翠禽鳥暖相依飛鳴得真意願言
斬茆茨結室傍薈蔚且要觀此身功業亦細事

十五日過許夜雨暴作明日行四十里宿于潁橋

又明日晴賦此

狂風撼平野沙礫眯兩目筍與我與君道遠疲徵逐驚
雷一夜發暴雨溢川谷平明泥沒趾寸步不容續我生
賦窮蹇觸處背天福風雨豈不好行路非所欲中途聊
息肩村驛便可宿我勞固其分端恐僵僮僕燎爐炎濕
薪傍舍酒初熟安能浣愁腸但取充饑腹中宵耿不眠
明月忽挂屋攬衣起視夜秣馬亦膏轂人情易喜愠天
道有翻覆陰霽那可去去無欲速

越州道中雜咏

浮雲作秋陰細雨如朝霧放形山水間意適無艱步忽
遇古招提空翠森回互倚杖聽泉鳴悠然不能去

鄧志宏送張思道遊福唐次韻

紛紛浣耳俱宜洗坐遣高人厭丘里迅流蚤自促行舟
更有西風滿江葦當年筆陣掃千人今日流輩推能文
英詞雄辯灑醉墨條忽百變春空雲人間萬事秋毫細
軒冕儻來誰著意身隨去櫂落波間興逐冥鴻渺天際
宿僊霞聖僊寺呈伯思子靜

風物吾鄉似山川地勢分稻畦翻碧浪麥隴布黃雲客
舍常爭席山僧獨獻芹茹柴餘瀝在聊餉僕夫勤

自建寧泛江至石首

江注天圍盡舟排浪陣輕岸容疎柳色秋氣斷鴻聲風
日雖堪好雲煙易妬晴鱸魚知有興好在未知名

和韻呈李伯紀舍人

時來將相寧有種衛青故是主家奴縣鶉未用歎歲惡
濶綢近喜除官逋本無得喪任失馬但有言說皆陳芻

從君一飲百壺盡醉倒不知誰謂吾

離紫溪驛

小風吹面雨廉纖
輕薄衣裳懶更添
一線離情裁不斷
暮雲將過粵山尖

信州禪月院晚眺

一覺華胥日又曛
晚來愁緒亂紛紛
角聲對起重城近
吹動靈山萬疊雲

汪應辰

字聖錫信州玉山人五歲知讀書多識奇字未冠
首貢鄉舉紹興五年登進士第一人年始十八上
甚異之欲即除館職趙鼎言且令厯外任養成其
才乃授鎮東軍簽判召為祕書省正字時秦檜力
主和議應辰上疏抗言其非檜怒出通判建州遂
請祠寓居常山道院以修身講學為事饘粥不繼
宴如也趙鼎死扶喪過郡應辰為文祭之幾懼不
測賴胡寅遺檜書謂此事不足窮竟事乃寢檜死
召為吏部郎官以母老乞外出知婺州尋丁內艱
除祕少權吏書以議太上尊號不合乞補外知福
州厯四川制置使蜀人惠之入覲陛見以畏天愛
民為言除吏書兼翰學凡所陳請專革弊政中貴
側目讒言日興出知平江府
力疾請祠淳熙三年卒于家

玉山太甲廟

君王自古幸遊多未必南從到澗阿
龍虎真藏金鼎火
鳳皇朝食玉山禾
雲霞落日舒旗幟
琪樹西風響珮珂
料得尹莘耕稼日也曾高隱碧嵯峨

歸雲堂

浮雲本無心人心逐雲去更作歸雲堂雲歸竟何處

范浚

字茂明婺之蘭江人紹興中舉賢良方正以秦檜
用事高蹈不出隱居香溪學者稱香溪先生浚深
於理學其所著心箴朱文公采入孟子註中故身
後之名益著按曹能始將范茂明與范賢良分

作兩人
謬甚

雜興二首

荆梟昔見惡去楚將巢吳妖音不知革吳豈荆人殊梟
能戒頰舌勿復輕嗚呼雖荆亦容爾何必他邦居

高蟬蔭嘉木未省蟪斧危勇蟲亦何愚不顧黃雀饑癡
癡挾彈子已復露霑衣世事無不然古今同一悲

狂泉

昔有大荒國水以狂泉名國人皆飲泉狂顛率無寧一

人自穿汲乃獨能常醒舉國既皆狂反見不狂驚顧謂
不狂人無乃鬼物憑不然是狂疾救療當痊輕施針灼
炷艾膚肉無全平而彼不狂者被虐楚不勝貴然走泉
所酌飲不敢停既飲即亦狂萬慮皆迷冥其狂與衆一
衆始歡相傾世事今亦然嗟哉感時鳴安得跨鵬背獨
往遊天溟寄謝彼狂子酌泉吾不能

張生夜載酒相過

湘簾一鈎揭衣寒覺露白未驚剖面風且看磨鎌月玉

椀鷺兒酒花甌虎子鹽張公鷄黍舊豈辭夜馱馱

題八駿圖

何年畫工搦毛錐貌此八馬姿權奇青絲絡頭十二蹄
調柔意態行愉怡五馬放浪無維羈或齧或望仍迴嘶
一牧牽鞵一牧騎製度彷彿唐巾衣不知此馬生何時
昔周穆王遠遊嬉駕跨八駿驅東西高升崑崙躡瑤池
騶騄驥駛勞飛馳日走萬里無停驂興元唐家危累基
百卷僅脫朱泚圍黃屋進狩懷光追八馬入谷七馬疲

筋攣肉綻行人悲兩者資世皆顛羸虛名何有千載垂
空得傳記流歌詩未如此馬閒猶夷牧垆不受鞭笞威
不踣險遠安無危泉甘草薦足自肥安用號駿稱雲雕
嗟哉畫意誰能知

讀長門賦

阿嬌負恃顏姝好那知漢帝恩難保一朝秋水落芙蓉
幾歲長門閉春草自憐身世等前魚舊寵全移衛子夫
獨夜不眠香草枕東廂斜月上金鋪曉驚永巷車音近

失喜疑君枉瑤軫臨風望幸立多時却是輕雷聲隱隱
年年織女會牽牛百子池邊侍宴遊自從一落離宮後
無復穿針更上樓人言消渴臨邛客天下工文專大冊
黃金取酒奉文君冀悟君王賜顏色賦成果得大家憐
鳳觜煎膠續斷絃不似昭君離故土一生埋沒紫濛天

四月十六日同弟姪效李長吉體分韻得首字

黃梅雨歇春歸後搏黍哺雛鳩喚婦紅殘小頰蹊上花
翠刷濃眉陌頭柳籜痕半脫煙篁瘦露裊幽香逗書牖

雲容漠漠曉陰愁
麥信風前一搔首

六笑

我笑支道林遠移買山書
巢由古達士不聞買山居
我笑賀知章欲乞鑑湖水
嚴陵釣清江何曾問天子
我笑陶靖節自祭真忘情
胡為託青鳥乃欲長年齡
我笑王無功琴外無所欲
當其戀五斗乃獨不知足
我笑杜子美夙昔具扁舟
老大意轉拙欲伴習池遊
我笑韓退之不取萬乘相
三黜竟不去觸事得讒謗
客言莫謾笑古

人笑人未必不受嗔螳螂襲蟬雀在後只恐有人還笑
君迴頭生愧不能語嘲評從今吞不吐譽堯非桀亦何
為訕周譏禹終無取

讀揚子雲傳

老不曉事揚子雲綴文譏訶堅逐貧班生曲筆甚假借
謂不戚戚元非真草玄欲作後人計投閣自迷身不利
王涯筮中好其書寧復逆知甘露事鼃聲紫色欺昏童
義士遠引如冥鴻胡為顛眩尚執戟美新屈首稱臣雄

岷山沃野蹲鵠大拓落不歸良已過近危竟似井眉瓶
虛作反騷嗤楚些詭情懷祿遭嘲評但用筆墨垂聲名
文章要亦千古事久矣法言今正行

讀王建射虎行

我讀射虎行感慨興長歎官差射虎得虎難山下遠立
常空還惜留猛虎著山裏射殺顧恐終身閒有如邊將
圖偷安遵養時晦容其姦翻愁努力盡高鳥良弓挂壁
無由彎君不見劉臣容高千里留賊自資媒富貴恐賊

盡誅身不利坐令屈律裏頭人橫暴九州狂螫噬嗟嗟
忠臣心不移受刃摩頸甘如飴紛紛血刃勇不顧一死
未謝君王知景桓壯志吞狐狸狐狸不獲寧家為相公
誓欲平淮西慨言賊在歸無期霍公裴公今已矣我吟
射虎徒歔歔

理喻

郵亭羈客寒無氈夜懷家山情惘然燈前坐感雨蕭瑟
浩歎達曉愁無眠鄰翁不出蓬茨裏聽雨聽風心似水

黃昏鼻息已雷鳴往往簷喧不經耳愁霖一種聲紛紛
鄰翁不聞羈客聞是中轉物有妙理起予暗契漆園旨

登富陽觀山寺

弭櫂依寒渚臨亭俯碧川嘶雲征海雁椎鼓過風船水
濶天低樹山空日暝煙擬題江似練終媿謝公賢

次韻茂永兄首夏新晴

燕落雨知節鳩鳴天欲晴行雲飛斷碧斜日漏微明筍
出竹三徑苗肥田一成野人知得飽索酒坐班荆

初冬郊行

空濶野雲疎行行思鬱紆露花啼晚菊風葉舞高梧日
落牛羊下天寒雁鷺呼却回南澗路暝色偏蓬廬

雨後出郊

扶輿穿密竹度約過前溪霽色煙橫野春聲水繞畦映
山行白鷺遷木韻黃鸝客裏貪幽事歸時日已西

歲暮喜晴

晴山喜見曉嶺笑出蓬門不暇冠風掃斷雲齊萬弩

日融殘雪上三竿
早黃楊柳漏春信
晚翠枇杷凌歲寒
從此林芳入幽賞
凍醪新壓味甘酸

次韻端臣姪七夕

萬古東西隔女牛
停梭期會豈悠悠
蝦蟇輪破青天暮
烏鵲橋橫碧漢秋
莫放癡兒懽徹曙
且容老子彊登樓
舉瓢更取天漿酌
一洗胸中十斛愁

春雪晚晴出西郊

步屨尋春犯雪泥
村南村北鶉鳩啼
墮梅殘白猶明樹

著柳暗黃初映堤風景快晴雲壁絮江天未暮日縣規
最憐碧漲侵沙尾更傍橫橋一杖藜

李燾

字仁甫眉州丹稜人甫冠憤金讐未報著反正議
十四篇紹興八年擢進士第調華陽簿改秩知雙
流縣以公餘力學博極載籍于本朝典故尤悉力
研覈于是自建隆迄靖康為編年一書名曰長編
浩大未畢史官以聞詔給札進呈除潼川路運判
名對擢兵部郎中叅定祭法因上續通鑑長編凡
一百八卷遷祕少尋兼實錄院檢討因與右相虞
允文論事不合請去轉運湖北改帥潼州進祕閣
修撰同修國史以災異陳言賜金紫用幸太學恩
特轉一官拜侍郎坐子廔為著作郎發策考上舍

御史摘其語座罷官燾亦出知常州召除敷文閣待制再上長編全書詔藏祕閣以學士致仕卒年七十著述凡十六種按燾長子李璧字季璋次子李厘字季永皆有文名

登大慈寺臺

重臺得雲氣深穩戶牖誰能發闕鍵樓下輪蹄渙散馳行人一顧不容返好遊獨是我輩閒褰衣直上相推挽層軒危檻倚欲徧更假胡牀同息偃西南繁會惟此都昔號富饒今已損填城華屋故依然孰為君王愛基本茫茫八表聊縱目情知日近長安遠白雲浩蕩飛鳥沒

玉笙淒涼紅粉晚荷衣蕙帶芙蓉裳野服猶堪敵華袞
去梯孰復共君謀殺馬毀車從此遁

客懷 三首

寂寞三秋節淒涼萬里風關河盡形勝人物幾英雄秦
葉隨流水周禾滿故宮此心縣魏闕夢遶浙西東

壯矣府中縣索如城外村墨池今掃迹石筍舊餘根風
急漢絃斷雨多秦鏡昏新秋一懷古情緒若為論

雨意忽如此客愁將奈何出門誰可詣掩卷獨高歌塵

世免三穴古人蓬一窠區區奚足道默默幸無它

靈雲巖

路轉層岡十里餘武陵傳者一難如昔年煉藥仙人室
今日餐霞道士居洞外蟠花開錦繡巖前石溜漱瓊琚
猗與靈氣為時雨可惜圖經闕不書

洪适

字景伯皓長子幼敏悟日誦三千言皓使朔方适
年甫十三能任家事與弟遵同中博學宏詞科後
三年弟邁亦中是選由是三洪名滿天下改祕書
省正字甫數月皓歸忤秦檜出判饒州适亦出為

台州通判皓卒服闋起知荆門軍歷戶部郎中孝
宗即位權直學士院官至參知政事被論予祠年
六十八薨
謚文惠

擬古 四首

明月皎夜光
瑟瑟扇商籟
衡紀直西躔
雲章斜左界
感彼林薄凋
歲律倏云邁
蜻蛚誰汝憐
淒淒鳴戶外
昔我耐久朋
著鞭道方泰
慰藉繒縞輕
金蘭舊盟改
東井不
及泉
須女無儔配
君看貢公綦
白首愧傾蓋

冉冉孤生竹
成陰幽谷中
聿來君子室
葛藟施喬松
喬

松千百尋攀附猶可窮思君江水深褰裳難為從同心
而偏棲愧彼摩霄鴻灼灼芙蓉花凌波媚芳風非不努
力愛秋老無復容昔盟倘不寒誰歎久西東

迢迢牽牛星奕奕停梭女尋盟整瑤轡絃情遵漢渚欣
讌未斯須別愁眉已度黃月不我畱殘機忍重顧翻羨
巫山雨朝朝楚王遇

青青河畔草英英籬邊菊亭亭當窗女濯濯手如玉淵
淵錦中意粲粲未盈幅藁砧天一涯刀頭誤行卜却鏡

怨新眉誰教遠山綠

次韻蔡瞻明江樓秋晚

斜照穿林迴歸雲斂岫遲蝸文寒壁篆蛛巧暮簷絲待
月是愁處對山無倦時掀髯阻談綺細讀寄來詩

寒巖寺

峭壁插青冥層巖覆化城空中清磬發幽處慧燈明萬
瓦足雲氣四簷無雨聲豐干不饒舌此地孰知名

曉發秦安驛

秋夢不能曉起行山徑迷小車驚宿鷺列炬誤鳴雞冷
覺霜華重光瞻斗柄低金庭有佳處芳桂想幽棲

交翠亭

政和丙申家君主寧海簿明年作交翠亭是秋亭成
而適生後廿有八年適來貳郡事行縣至此感舊賦
詩

三十年中事鸞棲築一亭寒聲長新籜清閤拂疎櫺水
轉前時綠山濃遠處青重來勤問訊此別記秋螢

海棠花

雨濯吳妝膩風催蜀錦裁自嫌生較晚不得嫁寒梅

洪邁

字景盧皓季子也幼讀書日數千言過目成誦博窮載籍雖稗官釋老無不淹通後二兄中第為敕令所刪定官以父忤秦檜投閒檜憾未已復囑御史汪勃論邁知其父不靖之謀遂出添差教授福州累遷吏禮二部郎紹興三十二年假翰林學士使金賀登位初欲效范成大有所執奏稍伸國體及至燕為北威所逼踉蹌以歸歸則孝宗已即位矣御史張震以邁使北辱命論罷之俄起知泉州召除起居舍人乾道三年直學士院仍參史事其父與兄皆歷是職邁又踵之六年出知贛州徙建

寧府知婺州明年召對首論淮東邊備上嘉之以
侍講同修國史俄拜翰林學士晚以端明殿學士
致仕卒年八十謚文敏所著
有容齋五筆夷堅志行于世

駕幸玉津園喜晴應制

五更猶自雨如麻無數都人仰翠華
翻手作雲方悵望
舉頭見日共驚嗟
天公小試施生妙
帝力堪同造物誇
上苑春光無盡藏
何須撾鼓更催花

雙林寺見柳書

幽谷雙林寺荒涼得遠尋
誠懸遺墨在諫筆想心箴

問鑄堂

澤國春寒未見花
一江流水夕陽斜
我來試上津頭望
問鑄堂前有幾家

吳儆

字益恭紹興間進士歷官知邕州軍州轉泰州主
台州崇道觀卒淳熙中賜諡文肅與張南軒呂東
萊諸賢友善學者
稱為竹洲先生

題騎牛圖

陳仲舉賢良熙寧中言新法不便謫南康酒稅叅兩

黃犢時與劉凝之跨之遊廬山李伯時繪為圖今藏其家

汗血聲利場舉世循一軌霜風老骹鯁松路石齒齒牛
瘦僕夫疲累累山谷裏兩翁非病狂顧獨不取彼牛背
有佳處未可與俗子夷齊向千載凜凜有生氣試問齊
景公烏用馬千駟

次韻南軒先生榕溪閣閣山谷所名也

紹聖用事臣黨與紛相樛當代幾忠良一朝咸黜幽太

史坐直筆愈黜名愈休消長關石泰天意匪人謀累臣
誰司城獨為景物留當時西復南萬里不停輶誰知百
年定欲起九京遊積莽新陳迹寒泉薦冰甌想當千騎
臨水木寒蕭颼我公令伊傳茲焉少夷猶炎方凋瘵餘
公來今已瘳榕溪兩甘棠千載誰劣優太史後凋松公
如巨川舟

宿神潭洪氏醉經堂

久客急歸程風雨事馳騫黃流鳴澗壑餘波或被路堆

碕珠聯屬石徑齒齟齬藍輿惴危登杖策阻深度行行
忽平岡神潭渺東注徒旅鳩後先煙火休薄暮主人延
客入丈室千卷聚醉經揭佳名巨軸舒新句我亦舊高
陽糟粕嘗已屢人言薄滋味舌根恐未具君但中聖賢
當自知佳處

獨酌

松竹羅幽徑蓬蒿閤荆扉庭前兩梧桐濃綠涵清輝南
楹開半山晨夕異煙霏樽酒自賓主禽鳥更損簾飲罷

兩無言還讀淵明詩

早起

積雨霽窮秋，柴扃立清曉。
溪光照煙岫，未覺秋容老。
溪邊烏臼林，他日沒飛鳥。
濃陰半枯枝，殷紅亂衰草。
搖落想騷人，洞庭風嫋嫋。

吳子既結茆竹洲，以娛親復於居之前。
治為亭以朝爽，名之蓋亭西面於晨興。
看山為宜。

抱甕自灌園，勝遊貴人門。
有口自酌酒，勝與俗人言。
園

中多蔓草晨夕費鋤芟遇夜或風雨安得久盤旋村酒
不常有有亦多苦酸而况醉中語繆誤人所嫌不如飽
喫飯清風北窗眠眠多則無覺夢境仍多端惟有古斷
簡言行皆聖賢讀之未竟篇眇昏如夢間讀竟亦何為
聚訟徒喧煩厭煩以靜勝又類枯木禪握苗不耘苗亡
羊兩茫然何如池上亭虛曠可看山山色日夕佳晨興
夜氣還宴坐日過午清陰猶未遷西山倦拄頰南山興
悠然

陽村道邂逅趙仁甫

脩途轉清溪孤村帶寒月
瀟洒竹間亭意行成小立
賓主莫誰何悠然良自適
俄有貴公子青驄搖寶勒
下馬相勞苦呼酒道疇昔
遂令麋鹿姿頗為人物色
佳實進霜堅異釀引寒碧
興盡還獨歸沙頭寒月白

和唐秘校見貽長篇

君才離竒卧壑松力回萬
牛匠非哲我如坎井可窺
底短綆未汲先自竭饑寒
驅置薄領中敢遇督郵腰
不折

憧憧往來窮朝昏
貿貿江湖弄風月
邑雖陋室無佳士
稍輸城府開私謁
平生聞人說項斯
秀句清江更清澈
鼃徑經雨忽澆然
傾困倒廩不我屑
渥洼汗血絕後殿
天球河圖合前列
要知冷暖須自知
舐蜜中邊不容說
癡兒徒癡不了事
相畱湯餅未暇設
如今豈止傾蓋舊
向者固已聞風說
命之窮達有宿分
男兒功名在晚節
未應種豆趨南山
試一上書干北闕
君不見少陵流落
老更窮長歎自比稷與契

弋陽道中

積雨今朝霽東臯晚日紅人家深蔽樹野水濶浮空久
客仍行役青春已過中嶺頭人望處腸斷白雲東

晚步

水靜偏明眼山高不受塵晴沙棲白鳥野渡集歸人問
字誰持酒行歌有負薪娟娟孤月影獨覺向人新

送洪史君赴闕移節會府

史君文彩漢相如暫向明時綰左符為郡似家身似客

視民如子吏如奴魯公金石光千古吏部文章妙兩都
戴白垂髻相與語如公治行向來無

清明陰雨呈同舍

薄薄輕寒作許陰村村花柳為誰新良辰欣見百五日
冠者仍餘三兩人冷雨淒風連午夜飛花流水一年春
窺園未阻江都興陌上應多翠黛顰

寓壺源僧舍

燈殘掩卷已三更風露涓涓月滿庭閒撲流螢衝暗樹

危梢點點落寒星

簞送人詩代簡

幽窗相對小匡牀
藍淺紗經冰麝香
退食歸來高枕處
滿林風雨夢瀟湘

劉儀鳳

字韶美普州人登紹興二年進士十年始調蓬溪尉監酒稅資陽為掾榮州紹興二十七年起居郎趙達稱其富有詞華恬于進取召試館職不就遷祕丞禮部員外所草牋奏以典雅著聲尋兼國史院編修進兵部侍郎在朝十年終日閉門親疎罕得見面俸入盡以儲書凡萬餘卷人尤其簡傲御

史張之綱論儀鳳私錄四庫書斥歸
遂不復起晚知果州卒年六十六

自歸州陸行至夔州 五首

久客歸心速江流設險艱夢驚人醉甕生出鬼門關草
滿離騷國神依暮雨山未平千古恨慘澹入躋攀

飛溜時時雨疎風處處蟬草茵秋卧月雲幕雨垂天夷
險籃輿底陰晴鳥道邊荒村無勞酒坐睡媿賴肩

戶口村無幾犁鋤力不堪林荒樗櫟壽月黑虎狼貪幽
絕雲眠穩清閒谷飲甘故山深未極壤斷葢茅菴

倚伏闢羣動幽微各有生燒根移窟穴林曲聚飛鳴瘠
土常饑色層坡被惡名經行不唾地山好故留情
曠野無人宿危亭犯雨過嶺雲堆巔顛刹海現兜羅酒
觸秋懷壯天留暮色多不勝行役苦栽入竹枝歌

報恩寺

晚途無力透空關佛土維留草數間決去已曾盟白水
重遊仍欲住青山皇華詩句羞懷祿儒帥封章屢乞閒
似我更宜歸計早雨衰煙艇學魚蠻

宋元詩會卷三十七